

商水縣志卷十六

麗藻志六

贊歌

清

悔遲翁自贊

歲貢 徐重潤 邑人

問爾為誰曰悔遲翁其位居卦爻之九三重剛不中其品與狷者
頡頏有所不為而接世踽踽涼涼其持家符家人之三爻嗃嗃然
規矩立而外內無得混淆學聖賢而不永習舉業而未成書史為
飯歌詠適情兒子滿堂弟子蟬聯居室團圓一門歡然柴米間缺
禍患幸捐恨已多愆何物答天六十而悔日惺惺焉求寡萬一以
終殘年

桑榆集

勸民十二歌 并序

知縣 牛問仁 安邑人

商水縣志

卷十六

麗藻志

古人躬行化民第以言教陋矣然天地之性人為貴愚民
不知人理輕蹈法網不教而殺視若犬豕返諸為民父母
之心能無惻然本縣政務稍暇自著勸民歌十二條以俚
言申明人理大要不外於五倫與律文所載十惡七殺要
義互相發明因令各地方公舉鄉長附於農隙朔望宣講
聖諭之後以仰副聖朝委任上憲壚植之意於萬一云

要孝弟

奉勸吾民要孝弟孝弟於人為最切水若無本流還竭木若無本
因風折不孝不弟根先絕忤逆子弟得禍烈人自孩提至性揭娶
妻生子天真汨每食無餘甘旨缺惟言是聽婦長舌何有何無自
親熱一家骨肉成冰雪獨不思人無父母生不若人無兄弟為孤
子暗裏試他一點血凝成一處無分別天地生成恩義結手足何

忍自劈裂返哺烏鴉齧母蝎眼前報應班班列孝不專在聽親說
尊卑名分自尋轍生男生女願和協五更睡醒思量徹

完錢穀

我朝休養惠黎元風調雨順多豐腴撻伐逆酋衛吾民難道百姓
不知感百凡浮費皆宜省惟有錢糧不可緩就使囊中無餘錢粟
帛也該急變轉每年照月足分數奏銷之期限難展若是頑疲仍
舊貫杖責刑比法難遣爲勸吾民共知勉奉公急課爲良善

和夫婦

爲勸吾民和夫婦夫婦和時福綿綿夫男原是一重天娶妻緣吾
五百年齊眉敵體互相聯承先啟後非偶然結髮相愛須相敬始
終相敬愛始全貧窮彼此共相憐糟糠乃見恩義堅堂上雙親孝
爲先常教兄弟學三田琴瑟靜好邀天眷生男育女慶膝前若是
商水縣志

卷十六

麗藻志

二

終朝相吵鬧管取一生受顛連豈不聞昧旦雞鳴自古傳相敬如
賓說前賢德業相勸過相規白頭密友共勉旃

勿鬪毆

七殺謀故罪滔天鬪毆傷人論抵還事闖服制律更嚴生死容易
後死難縱然傷輕不致死分別杖徒法難寬豈不聞人生禮讓最
爲先下雨不淋踏頭椽甘受人欺是善緣好漢安能抗上天世路
崎嶇積白端讓人一步福無邊有時氣忿讓不過吞聲歸去且長
眠待得醒時平心想豈真是父母之讎不戴天放得開時意豁然
眼前便覺天地寬

勿賭博

奉勸吾民勿賭博一着脚時步步錯人生術業各有托當勤夜思
與早作縱使冬間苦寂寞尋個正業作生活縱使長夜苦蕭索檢

點門戶謹管鑰每聞人家被偷摸多因出門去賭博吾民本是伶俐人入了賭博多蒙混吾民本是正經人入了賭博成光棍吾民本是柔善人入了賭博生忿恨入局容易轉身難賭博叫做迷魂陣所以長官愛百姓惟有賭博法嚴禁開賭窩賭造賭具杖責軍流依律問始因圖利空囊索到頭終苦沒下落懃懃懇懇與民約各務本業休賭博

勿好訟

爲勸吾民勿好訟好訟枉把機權用訟師以爾爲玩弄千方百計要求勝縱然勝了非便宜何況虛詞終有空牽東補西難掩飾到頭得把真情供供出真情皂白分按律定罪不寬縱本是些小口角事弄巧成拙落陷奔何如見機早回頭我有不是先自訟守分樂業爲安靜守分便是好百姓

商水縣志

卷十六

麗藻志

三

勿輕生

吾邑民淳少詐僞間或輕生自捐棄父母養育非容易頭象天兮足象地大平本是極樂國奈何輕生永別離投井服毒并自縊盡是懵懂無知類祖宗不許入墳塋子女不得奉含襚親人哭得心如醉鬼若有知應墮泪婦女生前惜廉恥赤身驗尸羞難避自盡法不論抵償枉把性命作兒戲豈不聞聖祖天語諄諄示解讎重命切宜記縱有急困難支持還須從長另計議除却死法皆活法心頭莫教生魑魅

勿重利

爲勸吾民莫重利重利由來必失利貧窮親友來求貸量力周給爲恤匱縱使有借復有還自應照例起息利若將放債作生意一索再索情乖離你圖吃利我出息安能一朝清本利囊闔爭辨無

終既構訟興詞從此始倒票盤剥非法紀私賍折業干吏議爲勸
吾民莫重利積德善爲兒孫地

澹川

爲勸吾民勤澹川免教雨澇水滔天昏墊呼號也徒然綢繆未雨
計宜先河底取土兩岸翻禦患只在一勤間耕三餘一九餘三長
官此意最勤拳

掘井

由來鑿井好耕田收成不是全靠天一望沃壤徧澗川井挖丈餘
已及泉富生禮義自昔傳美利奈何甘棄捐每井灌田三四畝管
保八口得安全上完倉穀省費錢陳陳相因利無邊愚民無識多
支延鄉長紳士倡宜先若是怠惰狙目前分別笞杖警愚頑

墾草

商水縣志

卷十六

麗藻志

四

吾出廉俸借爾錢速買牛俱墾草田冬春之初梨雨翻籽粒獲在
夏秋間一資家口俯仰寬二變穀價完糧錢三來可免出蝗蝻此
役一舉三善全若是領錢不墾田田主鄉地枷杖嚴

勿即邪

爲勸吾民勿即邪士勤誦讀農桑麻商賈食力也堪嘉問道周行
永無差白蓮清水皆奇表左道亂民極刑加豈不聞菩薩開門近
在家如來不須涉流沙燒香做會空空咨嗟苦海回頭便是涯

以上舊志

詩

明

慨道

天地不毀孔子貞以道六道不晦孔子貞以教奈何老與佛鼎足

知縣 劉 遷 歷城人

立大造不知虛與無四海握真要若必卻榮與遺慮抑何偏於太
元奧孰與聽顯從晦因時爲道治世則帝王煽性卽佛老而體用
無遺妙大哉孔子先天無先後天無後囊括二世主持宇宙譬大
明之經天而燭火難爲照嗚呼卽孔氏之徒猶高者慕放曠卑者
遊糟竅不知獵華非真馳幻菴惑總之裂中道

詠懷

知縣 姚文衡 直隸人

承乏濼強多事秋干戈四起動人愁拊髀每懷思頗牧論文何暇
較蘇歐偷閑一試金城略得意先傾玉殿甌願吐長虹驅魍魅掃
清中土樂皇庥

清

贈同寅商邑令高公

順治戊戌

教諭 喬時傑 嵩縣人

綠野伏龍作雨霖霏霏禾黍潤蒼黔薰風喜霽中天月雅度嚴揮
商水縣志

卷十六

麗藻志

五

暮夜金案牘常間看睡鶴蟬聲續斷聽鳴琴冰壺皎潔清如洗自
信無瑕對影衾

頌邑令高公德政

庠生 傅英敏 邑人

何幸來良牧詞篇出土論有氓開草昧無爨起煙村風化維衰做
詩書訓弟昆共知循禮讓徧野樂雞豚

前題

庠生 王進賢 邑人

勵志清勤一布裾膏脂不潤孔君魚他年各選一錢去不負生平
幾句書

前題

庠生 李璠 邑人

荒土勞民孤城如斗四野藜荆幾耕無耦我公茲來樂彼南畝滿
路歌謠黃童白叟賢哉賢哉民之父母

前題

王 珽 邑人

商邑地窪民貧兵燹之餘殘喘未息年來差徭繁雜水災
疊至戊戌九月洪波連天何異堯年汎濫凍餒比屋猶夫
昔日情形恭逢我高父母於十月莅任首詢民瘼躬踐水
鄉慈顏溫語以慰窮黎因而感泣遂無逃亡之舉溝壑之
虞矣嗣後惻隱益篤清廉日著受賜深長無以爲獻謹賦
俚詞以誌不忘云

頌歌鄰國滿激水峴山碑設濟同丁諷防隄擬杜詩鶴琴聊自伴
竹馬信童期重詠甘棠賦仁風共遠披

仁壽篇

庠生 江萬世 邑人

流水新涼秔稻香非煙非霧慶雲翔望仙門見麻姑鶴賓日樓稱
夸父觴猊澤土肥滋景祚鼉磯雪浪獻文章中有高人號石房芟
荷爲冠薜荔裳手持方竹杖昂昂雕龍繡虎壓長楊詩學陶家字
商水縣志

卷十六

麗藻志

六

寫王雲煙滿載米顛航君不見當年蘇學士曾在丹臺尋石子尋
得石子養菖蒲九節九花能駐齒又不見平原厭次東方朔兩足
常常臨世濯詼諧吐納帝王前蟬蛻不因金馬濁知君潔操玉壺
冰不愛官錢不受綾祝君如山如阜如岡如陵如川之方至如日
之恒如月之升如南山之壽如松柏之茂無不承他年功崇德盛
勒鼎壘相將髯客袖桃來倒騎海馬上蓬萊一年兩聽松風回

晚望西陵寺

知縣 郭天錦 晉江人

驛路春風晚西陵駐馬看橫雲觸樹合落日帶烟殘草暗孤村靜
燈明一水寒叢籬何掩映應是雨花闌

過鄧城

郭天錦

傍邑村居外猶傳鄧子城長河環野曲弱柳薄隄縈井竈干門闢
桑麻百雉成自從頗牧去誰與細論兵

南湖採菱曲

知縣張 鉞會稽人

南湖八月長天色採菱人逐湖光碧
鑿開細浪試蘭橈斜趁微風飛彩鷁
芳閣紅妝豔冶容移舟爭近鏡花叢
綠鬟低就搔首滑皓腕舒將條脫鬆
鄰榜言笑何晏晏相逢猶疑曾相見
當日南薰碧冶中芰荷葉底芙蓉面
紅漬羅巾汗尚流侍兒環向揮紈扇
珍重朱顏白日留等閒長夏清秋變
年年採蓮復採菱惆悵流光一擲輕
能保蛾眉似舊非採菱歸去不勝情

暮春步澱水橋抵玉皇閣少憇遇大風歸友人留飲漫筆書

懷

教諭束 裕安陽人

入歲時陰雨因之懷抱惡寂寞坐衙齋
三月鮮娛樂會當春欲歸散步出東郭
同遊有友生興致復不弱予于步履間
至止玉皇閣闐然無一僧頓令失歡噓欲
訪秋遊人無能得其略隴麥離離青
商水縣志

卷十六

麗藻志

七

菜花黃焯焯澱水化平疇老樹嘯鴉鵲
倏忽發霾風遍地走沙漠天豈禁遊人
而乃作狂虐急爲賦曰歸友生具杯杓
感其情意慙不復事推卻千里求友人
胡爲相扞格題詩以紀之願言永酬酢

吳公隄

監生陳大琰邑人

沙流透迤清且長上溯魯山下淮陽
中間滙合褚水滄更合汴流勢益張
歲在甲辰苦淋浪黃波怒號決宣房
南來澎湃擬懷襄濁浪滔天勢莫當
碣磔不辨河與潢南隄蟻穴幾汪洋
欲開不開民蒼惶大聲疾呼舉國狂
賴有邑侯吳錢塘乍聞瞿然驚且傷
單騎疾馳危隄傍指攜堵築披星霜
經旬勞悴心徬徨巋然獨峙如山岡
百川東之障一方登民衽席固金湯
羣黎歡呼誦鏘鏘爲勒貞珉鉅道旁
隄名吳公誌不忘吁嗟乎軼卓魯
駕龔黃公等召伯隄甘棠後先千古
相頡頏

澗水橋送別李明府

陳大琰

神君雅意遵清流德毓龍門敷政優才氣唱唌高更遠宦情冷淡
去難留一錢不入清風袖孤鶴遙隨明月舟歸去玉函山下住東
籬栽菊任優游

送別王明府

監生 李 淇 邑人

帝里名賢聲價芳來從百里試青細月臨高閣冰絃靜花落空階
鶴夢香照膽羣欽人是鏡懸魚共羨節如霜陽春有腳難留住到
處桑麻盡是棠 以上舊志

答李明府徵教澗川書院

趙 澗 邑人

西園林已舊東壁府初新雨灑丹臺靜風吹碧沼潏荷香時入座
槐陰晝無塵佳氣文星麗輕烟雉堞勻琴堂彈古調鳧舄間華紳
道上潘花滿庭中趙鶴馴詠歌聲已遍術序化皆淳愧乏西河學
商水縣志 卷十六 麗藻志 八

來分單父茵

課澗川書院生徒

趙 澗

澗川鍾秀氣精舍萃奇英剛愛羣芝茂旋看新柳榮蒸蒸霞比蔚
矯矯鵠同鳴駿足思騰漢仙舟欲泛瀛猥將馬帳設敢與董帷京
三鱸堂初啟五經笥豈盈

行部商水弔扶蘇蒙恬墓

知府 崔應階

虎視蒼生八極遊求仙不遇殞沙邱鮑魚後載名同臭偽詔初頒
國便休太子孝慈徒死節將軍忠義只空謀秦皇荼毒流天下那
得佳兒繼遠猷 上三首陳州府志

頌邑侯商水李公德政

順治壬辰李振奇任如臯多惠政臯
人歌詩頌之都為一帙名臯治德政

編茲摘錄
凡首如左

光祿 季昌齡 如臯
卿

每到南中信東臯治特聞孤城消戰艦野水淨春耘致此由良吏

逢人說令君內庭勞久望鳧舄起層雲

前題

庠生 冒禾書 如皋人

一載成三惠流芳迥自殊清風披玉尺明月映冰壺甄拔歡多士
恩波及萬夫竚看綸綍下早晚達皇圖

前題

庠生 余景 如皋人

擬效歌廉何所鳴函牛之鼎小鮮烹量深澤可知千里才大功先
蓋一城禦亂不驚人者勇持身無欲聖之清自漸未及如椽筆難
罄堯天擊壤情

前題

庠生 石琨 如皋人

仙李蟠根自著靈政成暮月頌明廷動人瞻望真如日問俗勤劬
每戴星漫以哀矜流愷悌還從約法寓箴銘况逢當宁求循吏善
政應先列御屏

商水縣志

卷十六

麗藻

九

前題

石樓 丁其譽 如皋人

一載聲華淮海揚治平何異漢循良鳴琴調鶴心隨月賣劍買牛
法似霜犬不吠邨由弭盜虎無越境本鋤強誰誇卧閣心偏靜汲
黯終當入廟廊

前題

伊洛文星列上台翩翩仙令雉皋來豈知嘉政成三異蚤見甘霖
潤九垓郊外犬聲稀夜月庭前鶴影動蒼苔共歡斥鹵回暘谷桃
李春風取次回

前題

咸陽 張寬 如皋人

仙官賜履下鸞波花映垂楊鶯語和治洽邗濤流惠雨源從商水
發慈波門高客幸登龍早亭遠人欽問字多翹首恩光披靚遍武
城伊邇共絃歌

前題

衡陽張日浣如皋知縣

中州嶽瀆特鍾靈一代薇垣拱德星自昔先人多作縣於今君子
可名亭焦勞報國心彌赤吐握憐才眼倍青卓異如公真絕少由
茲紀績石堪銘以上舉治德政編

題王李氏貞烈奇踪坊

河南徐學政

生不同室死同墳萬古精靈萬古聞士品每難光日月女貞獨能
出塵氛播間草木饒清節碑上烏烏不亂羣含淚欲流翻作喜蒼
松翠柏自欣欣

此坊子爾無侵塵貞烈奇踪字字新浩氣由來光宇宙清魂想是
愛松筠千秋不朽扶名教萬古長香厲縉紳盛世恩榮不濫錫只
將一匾叙彝倫坊石刻

傳選君中言約探梅胡少寇雲坡先生宅蔣同年芟亭公周

商水縣志

卷十六

麗藻志

十

南催之以詩因附以原韻

解元李慎先邑人

楚北蔡南蕃卉木春蘭秋桂紛疎扶望春花雜紅躑躅照耀青山
錦段鋪就中尤推梅格勝縞袂亭亭如靜妹公來茲地月匝四寒
廡獨坐鮮歡娛時賴好事相招致造門不待折簡呼冬雪春雨呈
豐兆霽霖入土疑抹酥共道今年富秔稻冷官寧慮食無餘餘潤
滋花花更好輕塵滌盡冰肌膚故人昨有看花約聞命叫覺樂遽
遽何處探梅寄逸興司寇宅在城西隅鐵幹虬形幾年植暗香疎
影罨階除司寇在世踐臺斗衛公才調和羹須柴門歲歲銷松竹
好景遮莫借吾徒綠野春遊殊快意持比玉照無差殊願君傳語
急灑掃開尊展徧紅氍毹莫待風姨捲地來吹落片片空嗟吁居敬

稿齋

弔節烈吳張氏一首

通政司李樽邑人

幼承姆訓有多方詩禮夙嫻姓字芳縞帶不隨遺物散紅箋那倩
史官揚一生烈節霜羞豔三尺孤墳草藉香含笑歸泉從二老膝
前應自泣吳郎

于歸三載了前緣鏡破鸞分月悵圓天地寡情殃二豎身心無路
達重泉養生送死千秋節待字守貞十七年冷夜投繯人已矣嘉
名和淚襲紅箋

方壺
詩草

按烈婦未知何縣人恐其就湮採此詩以存其概

雨後携二童子遊光武臺

房注本袁術所修公路臺也水
經注明白可據俗訛傳到今按

光武臺在
上蔡境

徐重潤

荒臺淡烟裏嵯峨形勢古自昔懷往哲攜蓋踏殘雨中堂留遺像
肅衣拜真主畫壁驚風鶴馮鄧兵如虎將軍歸佐命關中震天鼓
散步陟四隅青青望如堵袁術僭號日故鄉臺新樹相沿久失真
商水縣志

卷十六

麗藻志

十一

公路訛光武顧此冲幼者有懷誰堪吐携手長歌歸新詩且自譜

秋登孰城

原注城在吾鄉東南三里許據水經注本漢北利
城劉昌所築也俗訛爲北得勝今呼爲古城云按

孰城亦在
上蔡境

蔡東固牆里岌嶷一古城城西古冢高岡巒互崢嶸秋風掃落葉
爽氣發遙情茫茫世俗說真贗多難憑訛傳北得勝故汝陽亦名
那知光武朝劉昌實經營南北築二利水經注分明徘徊西門外
雲中送雁聲

呵凍吟 有序

徐重潤

道光辛卯冬積雪凝寒散館歸又復連日霏霏自顧益無
餘粟厨乏乾柴閉戶忍冷究心書史時有感觸化雪成章
篇什頗多無復倫次命爲呵凍吟云

摘錄十
二首

鬱鬱嶺上松青青窗外竹稜稜寒梅樹肅肅飽霜足此品何容易

常託處士屋心貞一寒溫節堅耐荼毒高標謝塵氛清操比金玉
桃李爭春妍偏入俗人目棄此等凡卉寂寂翻所欲

讀史懷管鮑交道何其淳范式與張邵漢書傳其人如此契金蘭
真堪質鬼神叔世倫常薄友道更難論維我二三友丁嚶似非尋
而以方古處恐難無纖塵形跡期共忘性情先自真

青青原上草溥溥草上露寄託能幾時見現歸何處悵然一長望
白楊滿古墓死後多寂寞生前枉馳騫嗟吾同儕輩先後半物故
立身貴及時不由我去住

山行六七里林深樹扶疎中有窮苦士拮据編茅廬黃葉落深深
檢點所著書高歌過行雲長嘯片月孤舍旁開三徑好友策蹇驢
更深談未已燒燭醉一壺

沙鯉並沙魴人世之至味必欲窮口腹甘美足爛胃宋子與齊美
商水縣志

卷十六

麗藻志

三

人世之所貴必欲極色欲盡惑以喪志鄭有智勇士特立風流地
雲茶非所慕縞綦聊適意操心謹幽獨衾枕甚可畏

鄙性最愛山未嘗識山面一日乘興往裏糧決一見蔓草廢墟中
錯雜徑有萬奔突踰三旬足繭志猶健峭壁挿天青倏忽咫尺見
顛仆石稜頭俯視雲萬變衣綻皮且破欲得復何怨

良人久不至屈指幾經秋衾枕空燦爛撫摩心悠悠出戶攀庭樹
清飈滿枝頭依稀聞歸雁聲雜木葉流庭中何所有石榴燦階除
大人無恙時愛護比三珠盛夏花旖旎撫玩最歡娛哀哉樹未老
邱墓長白榆掩涕東南望烟草堪歔歔

常棣同根生五株何森森當是培植厚更蒙雨露深韡韡花正好
崢嶸成芳林憔悴忽有象一株被蠹侵焉得除蠹術交柯永垂陰
念此常悄悄甘酒聖垂箴

原注此憂兄
以酒致病者

誰謂屋漏深鬼神在爾室一念萌動處切勿中所疾曲逆好奇計
博陽有陰德陳掌遂不侯邠昌遠紹國險刻奇禍隨忠厚永逢吉
念吾瓜瓞綿歲歲薦血食

黃鵠質雖微其志異凡鳥日望瑤臺樹一集珍木杪俯仰觀兩大
胸襟羅四表顧我室翹翹風雨殊潦倒羣雛方學習未能三匝繞
爲此頻蹭蹬室將雙翼矯但使羽毛在奮飛以終老

極目東南望頓山勢嵯峨山下一老人結廬在申陶礪礪容顏古
恬退性情和庭松老歲寒門前桃李多閉戶著周易髣髴安樂窩
渭樹與江雲惆悵新詩哦

原注此言從師頓南先生不能日侍几席也按先生郭氏諱鶴齡字羽仙項城

舉人學本程朱矩步方行古道學風

讀邑乘

徐重潤

邑是漢皇舊汝陽隋名潑水宋稱商五樓東峙固能識二潑西來

商水縣志

卷十六

麗藻志

十三

實未詳經學縱橫周舉最事功審諤袁安強兩公表表邦之傑合

浦珠遷堪惋傷

原注縣志不明沿革遺卻漢汝陽人物而今汝寧汝陽縣妄收之可慨也

唐鎮廟

原注余另有唐鎮廟辨按今軼

巍巍古刹峙潑川名實不符失考研未知唐鎮作何解謬塑漢高
說有緣將軍百戰光顏地時曲一方赤子天功德在人修祀典劉
皇豈享阿牲牲

贈王煥臣明經

楊凌閣

憶昔少年時爭著祖生鞭忽忽三十載白髮已滿巔幸存本來面
相對尙依然盃酒屢過從情誼何纏綿飲和兼食德友仁并事賢
囂市藏大隱毫無物外牽世事任翻覆吾心自有權詩書敦夙好
尙友證先傳遺安無他計守拙且耕田尋得桃源路攜手歸林泉

贈李子襄學士

楊凌閣

朝陽有鳴鳳聲聞動遠邇歛翻不復翔幽林自棲止軒冕非不貴
棄之如敝屣吾道性自足其腴甘且美謔留勁節侃侃直如矢
避名隱諫草臣職原應爾孤身障危城威著驄馬史忠信行蠻貊
狡夷嗔作喜華洋始相安人人知法紀從事雖獨勞爭功實所恥
此心有誰知如濯江漢水清操堪勵世卓犖難其比末學仰高風
深情託素紙

答項城楊仲唐孝廉

并序

李擢英

癸丑嘉平既望仲唐學長兄以項城志局告成言旋賦詩
留別並書作行楷以贈又以所著識仁說引義見示惠我
無疆良深銘感余時在病中未能熟讀大著亦未有以和
也今病稍愈取義與詩而三復之爰就管見所及另拈一
韻爲賦長歌行亦知者見知仁者見仁淺深有不同也

商水縣志

卷十六

麗藻志

十四

感君賦留別詞意纏綿情復切讀君識仁說引伸觸類精義抉自
慚涯涘未能窺抱甕挈瓶欲一瀉聖門問仁不乏人所答殊途實
同轍仁之爲仁重且遠無間斷兮無隔閼堯舜何病病未能孔顏
何樂樂弗輟渾然全體未易言昭昭共見惟品節或則批鱗冒鼎
烹或則扣馬甘薇蕨或則感格及風雷或則精誠光日月海枯石
爛有時盡獨此精光難磨滅天地胡爲而鍾靈鬼神胡爲而泣血
世間正氣以此存生人倫理乃不絕我今衰病復何言明知乾坤
有浩劫但念興亡皆有由仁與不仁一言決興者縱爲武與湯亡
者實非紂與桀奈何世變道亦變瓦缶雷鳴黃鐘歇夢夢未必無
醒時我欲上叩玉京訴天闕君不見精衛填海海益深女媧補天
天終缺遺恨都歸無奈何此心千古可共揭

贈李篤臣別駕

河南張鎮芳
項城人

昔我過周濱虛衷聯郭李年方舞勺時銳意拖青紫負笈駐梁垣
聞鷄常夜起挑燈事苦吟兀兀研經史拔萃著先鞭掄才逢大比
風雷破壁飛躍出龍門鯉次歲赴南宮北行旋又止激川訪故交
情似桃潭水話舊聚良朋冬烘聊爾爾丹青土木間授讀商家子
約我坐書齋窗前羅杞梓侘材運斧斤備極亭臺美太息主人翁
幾生修到此經營復數年輪奐聞遐邇別後捷春官騁駟開道始
農曹振羽翰幸脫紅塵屣檄調至畿疆鹽梅新壁壘竊恥實業勞
冀雪虛聲恥客自兩河來披圖陳一紙爲言夏屋渠不售將傾圯
勸作菟裘謀買山良有以探囊竭奉廉令尹防三已宦海滯歸裝
歲星週一紀誰知晝錦堂節鉞還珂里我宅卽行轅匆匆除棘枳
官紳夾道迎車馬驚填委父老盡言歡朋儕咸色喜招邀李謫仙
共飲盃中蠟把臂步長廊前言猶在耳鳩偏據鵲巢悟得循環理

商水縣志

卷十六

麗藻志

七

爽塏有名園馳驅無片晷安能老是鄉酌酒聽宮徵

和張都督見贈原韻

李介祐 邑人

吾師廖尙書滿門桃與李得士盡服官印綬聯金紫視學復蒞陳
青錢重選起入彀有文章銘鑄須經史筆戰東西塲不才相與比
蕊榜附君登變龍未棄鯉越歲趨梁垣讀書得所止與君同齋居
歡如魚在水時值拔萃科着鞭先乃爾秋桂旋又攀爭誇奇才子
弗及徒望塵歸來守桑梓黃氏作居停賴有園林美童冠四五人
皋比坐擁此忽報君到周車旌駐甚邇相邀長夜談酒酣忘終始
暇則恣遨遊何嘗吝足屣有樓履重重有臺登墨墨似此境最佳
不詩儒者恥乘輿寄咏歌寫盡薛濤紙別後屢經年此園殆欲地
幸君能買山萬緡價必以輪奐費經營三載而後已君昔在畿疆
民國年初紀中央命令頒開府還故里匪燄熾南中豈野成棘枳

震懾巡閱資任難他人委過項俱郊迎鄉樹色望喜入門召良朋
開筵傾綠螳起節駐周濱玉珂鳴在耳別業作行轅官紳談治理
約我話前因暢懷僅數暑惜無竹與絲樂聲奏角徵

詠謝公碑 並序

拔貢

李敦仁 邑人

道光末年黃水爲災別駕謝公設方賑濟紳商立德政碑
留爲紀念

賈魯河梁北殘碑屹夕陽拂苔覓字跡德政頌循良憶昔道光末
大河水潰防怒濤驚風雨千里歎汪洋嗟膏腴地其魚嘆吾鄉
難民蛙生竈餓殍滿道旁哀鴻驚別駕視民果如傷醵金策拯救
遍地設粥場櫛風復沐雨日昃爲不遑全活億萬衆受福乃無疆
貞珉勒歌頌千古姓字芳徘徊溯往事拜祝獻心香嗚呼墓田纍
纍藉山邱 碑在義地荒冢之側將相公侯付水流黃土無情埋壯士青天不
商水縣志

卷十六

麗藻志

十六

老燠良謀荒煙蔓草空憑弔滄海桑田何勝愁賸有殘碑傳姓氏
謝公德澤自千秋

烈女吟 并序

李敦仁

咸豐間捻匪至白帝村瀕河有民船經此遇賊女年方笄
被擄欲汚女聲色俱厲賊怒鬻之至死罵不絕口時楊河
高上林亦被執爲述其事余爲短歌以慰貞魂於九原云
世風判貞淫古今分治亂人生當平世節操難預斷桃李媚春色
松柏貞誰判巾幗多完人強半經患難白帝激清風斬蛇說赤漢
遺事久失真令人增浩歎適有船家女傳聞昧籍貫突然遭流寇
羣兇各逞悍孤舟攬中流樓女登彼岸罵賊死不從鬻割身萬段
白璧淨無瑕節烈日星煥正氣塞乾坤海枯石亦爛沙水泣孤魂
子規啼夜半怨氣結長虹姓名遺簡翰皇天垂矜憐鄰翁留鐵案

凜凜氣如生東流輓狂瀾珥筆爲拾遺留作後人看

烈女吟 并序

李敦仁

女周賓南岸人童養夫家未合卺夫歿女投井死惜二家姓名皆無考而其事人爭傳之爲烈女吟以誌其事

少小何知曠日盟未曾婚配竟捐生黃泉有路終相見彤管流輝不在名豈以珠沈光易斂任教花萎香遺清鴛鴦棒打甘同死羞作霜天孤雁鳴

烈婦操 并序

李敦仁

烈婦趙姓女僕也小字賓紅勤謹得主人歡長適張以夫遊蕩凍餒幾斃主人憐之復招養主婦病歿婦視含殮畢服毒以殉爲之操曰

維桑與梓根生下土嗟彼婢子幼離父母相彼鴛鴦在河之陽夫商水縣志

卷十六

麗藻志

七

也不良無衣無裳山有喬木上有葛藟北風烈烈與之俱頽蒼蒼者天日月維明於萬斯年鑒此忠誠

弔曾邑侯 并序

李敦仁

民國元年曾公鈍夫宰吾邑適土匪肆起公率勇往捕竟遇害兵役同死者八人士紳請旌其烈建祠周鎮南門外墓前

祠墓巍巍銷翠苔一番憑弔幾徘徊捐軀枉抱千秋恨寄命無慚百里才肝膽照人光日月鋒煙殉烈有輿臺公中彈後一役扶公公解襄授之使去不聽殞焉 激川鳴咽空流碧應是我公血染來

弔睢州亡友施虞琴先生 并序

李敦仁

虞琴天才穎異幼有神童之目束髮即從湘潭黃恕軒項城楊中唐先生遊淹貫諸經得濂洛關閩正傳弱冠登賢

書適停科舉益肆力於古文辭歲丙辰吾商續修邑乘延
主筆力疾至釐訂體例辨正錯訛事未竣而病劇旋里月
餘訃至年三十有五才高不壽惜哉因賦俚詞以誌悲感
大造誕真才胡爲復見忌吾友施孝廉英姿邁騏驥但惜壽不延
館舍中年棄總角得名師六經抉奧義弱冠登賢書圭璋仰大器
世變守清貧詩書爲寢饋義理爛胸中奇緣結文字著作富等身
斯文賴未墜史才備三長邑乘祈編次旌旆攀南轅二豎寢作祟
自春徂夏秋藥鑪時設備疾篤力難支故鄉動歸思中秋皎月圓
驪歌感昆季雲樹盼天涯噩耗魚鴻寄一召赴修文未酬經世志
修短命靡常空灑斷腸淚使我嗚不平酒劍質天地死生安足論
徽音誰克嗣

義貓 并序

庠生 任清和 邑人

商水縣志

卷十六

麗藻志

六

裕盛典歇業司事紛散惟二貓徘徊不忍去瘦甚偃臥而
已予義而食之一食一否嗣過其院貓蹲伏近視之已僵
矣因作俚句以誌其異

世道有盛衰物心無改移惓惓懷舊主守死不忍離於物僅一見
人也孰若斯靈魂何處歸首陽應招之

以上採
訪稿